



東林雜俎

編者黃黎洲談君墓表
附於冊尾

棗林雜俎

彤管

孝慈高皇后無子

孝陵享殿太祖高皇帝高皇后南享左淑妃李氏生懿文皇太子秦
 愍王晉恭王次皇妃 氏生楚王魯王代王郅王齊王谷王唐王
 伊王潭王又次皇貴妃 氏生湘王肅王韓王藩王又次皇貴人
 氏生遼王又次皇美人 氏生寧王安王俱東列碩妃生成祖文皇
 帝獨西列見南京太常寺志孝陵闈人俱云孝慈高皇后無子具如

鹽官談遷孺木著



義集

景林雜俎

彤管

孝慈高皇后無子

孝陵享殿太祖高皇帝高皇后南享左淑妃李氏生懿文皇太子秦
 愍王晉恭王次皇妃 氏生楚王魯王代王郅王齊王谷王唐王
 伊王潭王又次皇貴妃 氏生湘王肅王韓王藩王又次皇貴人
 氏生遼王又次皇美人 氏生寧王安王俱東列碩妃生成祖文皇
 帝獨西列見南京太常寺志孝陵闈人俱云孝慈高皇后無子具如

鹽官談遷孺木著



志中而王弇州先生最博核其別集同姓諸王表自懿文成祖外秦
愍王棟晉恭王桐周定王橚俱母高皇后楚昭王楨母昭敬太克妃
胡氏齊庶人樽母定妃達氏潭王梓俱達氏出趙王杞母 氏魯荒
王檀母寧妃郭氏蜀獻王椿代簡王桂谷庶人榘俱母惠妃郭氏湘
獻王柏母順妃胡氏肅莊王槊母 妃 氏遼簡王植母 妃韓氏
慶靖王榘母 妃余氏寧獻王權母 妃楊氏岷莊王榘母 妃周
氏韓憲王松母 妃周氏瀋簡王模母貴妃趙氏安惠王楹母 妃
氏唐定王梈母賢妃李氏郢靖王棟母惠妃劉氏伊厲王榘母麗
妃葛氏吾學編諸書俱同抑未攷南太常志耶享殿配位出自宸斷

相傳必有確據故志之不少諱而微與玉牒牴牾誠不知其解或曰
宋史杜太后生邕王光濟太祖太宗秦王廷美夔王光贊而廷美傳
云母陳國夫人耿氏非杜太后也鴈鳩之德均愛七子可以知高皇
后矣高皇后無子可諱他王母以諸書及太常寺之志較之多不合
楚魯代郢齊谷唐伊潭九王同母亦奇高皇后遺履藏奉先殿修
寸組雙鳳首綴大珠六月六日曝之

女官黃惟德南海人洪武廿年選入宮命為司寶初名阿妹永樂初
賜今名信任益隆宣德七年乞骸南歸皇太后命留及為詩賜之皇
明列聖御寰宇偉烈弘謨冠千古重惟仁化本家邦內廷百職需賢

良咨爾惟德女中士自少從容知禮義一從應召入皇宮夙夜孜
勤乃事昔時白髮今如霜歲月悠々老將至九重聖主天地仁欲使
萬物同陽春體茲德意賜歸去乃心感激情忻々嶺海迢遞千萬里
潞河官棹春風裡賜衣宮錦溢光輝親戚相迎人搃喜々爾富貴歸
故鄉我心念爾恒不忘綵筆題詩意難盡目極天南去鴈翔其侄女
即大學士梁儲母也亦累贈至一品夫人同時有葉女官者番禺人
少有淑質通列女傳洪武廿四年聞其孝敬選入宮擢為女官因召
其父碧山弟祖道詣闕賜宴俱授錦衣衛鎮撫賚以幣復其家又有
王司綵者番禺人永樂二年選入宮為女官時年少權妃方見幸特

推同輩之愛固辭曰臣妾嫠婦也安敢充下陳哉上重之從其意司
綵有文學能詩蓋宋昭容之流而持操過之所作宮詞至今人猶傳
誦

洪武廿年詔選民間淑女入宮分司陳六尚番禺陳二妹字瑞貞仲
裕女也貌端莊與焉入見使並六尚事陳善六書曉大義精女工嬪
嬙皆師事之人稱為女中君子二十四年命為司綵賜歸省仍給祿
眷甚家閨範嚴肅人罕見其面有司候饋皆辭卻之文皇即位以司
綵熟知典故召復原職年四十以病故遣中使護喪歸葬

永樂中賢妃權氏順妃任氏昭儀李氏婕妤呂氏美人崔氏俱朝鮮

國王李芳遠所進權氏穠粹善吹玉簫見幸永樂八年從征還至臨城薨謚恭獻芳遠驛送妃父永均至食光祿大夫祿尋遣歸正德中卒賻賜有加白金米布權妃薨後司綵王氏作宮詞瓊花移入大明宮旖旎濃香韵晚風贏得君王留步輦玉簫嘹唳月明中蓋指權妃也

安妃姚氏

憲廟安妃姚氏嘉興人家貧習緝緝貿市目無忤視嘗盥見饋水中
有日月雲霞五色扇夾持甚怪之應選入宮髮素種，不盈尺登舟
過平望一夕髮長委地今地名曰八尺後進位安妃生壽王妃弟福

圓拜錦衣衛指揮同知子錦孫承勛累蔭千戶嘉興府志今秀水太子太保工部尚書姚思仁即姚妃後按宋陸游入蜀記過平望二十里曰八尺則前說殊謬且麗人之選法必應圖玄夷之髮其光可鑑安事種，為也

宮人戴氏書

戴氏湯溪人選侍坤寧宮三見御弘治十年太監竈某來縣宮入手書寄問母弟安否離別思憶之情悽然滿紙今其書具存并有宮中小函等物湯溪縣志

沈瓊蓮

弘治間女學士沈瓊蓮字瑩中烏程人寄兄詩疎明星斗夜珊珊玉
貌花容列女官風遞鳳凰天樂近雪殘鴉鵲曉樓寒昭儀引駕臨丹
辰尚寢薰衣燕紫檀肅六宮懸象魏春風前殿想鳴鸞又宮詞十
首香霧濛、罩碧窻青燈的、燦銀缸內人何處教吹管驚起庭前
鶴一雙倦把青絨綉紫紗閣針時復卜燈花明朝太后長生誕可有
恩波徧及麼萱菴花封小字緘寄殺千里落雲帆一春從不尋芳去
高疊香羅舊賜衫天子龍樓瞥見粧芙蓉團殿試羅裳水風涼好向
西坐專把書經教小王曉臨鸞鏡整梳粧高髻新興一尺長花影鎖
窻入下直開籠自放雪衣娘明窻幾几淨爐薰閒閱仙書小篆文畫

永蘆垂春寂、碧桃花映石榴裙海東青放渡遼烟天上群鸞得自
專勅諭鷹房高索價聖王廿載絕游畋御柳青、燕子愁萬條齊水
弄春柔東風不與閒人贈誰去江南。洲尚儀引見近龍床御筆
親題墨瀟香幸得唱名居第一沐恩舞蹈謝君王翠絲盤袖紫羅襦
偷把黃金小帶舒中使傳宣光祿宴內家學士作新除右沈氏董穀
碧里雜存載其一云送弟溥又悞為周氏吳興藝文補載藝文八首

恭恪惠榮和靖皇貴妃鄭氏

鄭貴妃父承憲貧甚以女許孝廉某為妾臨別悲慟孝廉閱之遣還
不責聘鄭感甚脫隻履于孝廉夫報已入宮大得幸念前事忘其名

命小璫售隻履于市索直若干無應者時孝廉計偕聞而往合其履
妃泣告于上非若人妾不及執巾櫛矣亡何孝廉謁選得善地歷

張道濬說

貴妃生福王常洵有如意之爱上書其名于金盒

屬妃藏之約他日東宮之徵也辛丑十月皇長子受冊東宮貴妃不

懌持盒泣訴上啟之書字俱蝕嘆曰此天也

錢塞菴相國說

端氏

天啟初選宮南都以於氏端氏應竝入內偶啖麵端氏一箸於氏再
箸嫌其黷出之於氏尤妍麗

孝節貞肅恭莊毅烈皇后周氏

周皇后父奎寓京師奎徵時寄食為人莞庫元配生子鑑繼丁氏生
子某、及后後廢中宮以鑑從長不許初信王選婚終安布素雖得
袷服念其父貧輒資之初不意閔睢之詠也既信邸入正大位后生
東宮及定王貴妃田氏生永王悼靈王貴妃漸寵謀奪嫡一日永和
宮婢

于金狻猊下悞觸定王

田氏居永和宮

中宮弗善也上常召貴妃

妃例御鳳輿小璫昇之是日昇以宮婢上問故曰小璫多恣肆無狀
問其寔曰聞坤寧宮小璫狎宮婢故遠之耳上色動即搜其處大得
狎具蓋宮人各侶其璫所謂對兒也上驟怒立譴諸小璫司禮太監
請少寬之如三殿下何小璫某年十八美姿容時傳中宮命

于外家幸不值中宮因懟恨成疾嘔血有老宮人謂曰田氏宮中獨無對兒乎亦可搜也果大得狎具上疑始釋都督田弘遇聞之大恐嗾貴妃上章引咎上意解令省警例閉中門從旁出且以章示中宮示無嫌也其章出御史湖南劉興祥筆蓋弘遇所囑云貴妃省警亦屢矣壬午貴妃薨明春弘遇進其少女年十三見寵即進封司禮太監某言貴妃以選入非外進也乃止賜珠簾等有差亂後走天津珠簾猶存今為朝士某妾

崇禎庚辰上因皇五子之變特命各郡縣崇祀九天仙母廟以上俱宮闈

孺人范氏

臨江府志范氏清江人博通經史洪武初召為女使授孺人為宮中姆師一日高皇問前代何后最賢家法何代最正對曰惟趙宋諸后多賢家法最正命錄進更誦聽之凡降內制多范為定詔賜歸老于家

翁氏女師

晉江御史翁慶巡按四川不避權貴又勅往武當山獻玄武神眼珠賜一品服亡何坐累下獄慶無子長女詣闕上書請代仁孝皇后召入宮留之三月為宮中女師人以比緹縈

林淑圓

莆田林淑圓按察使林時之女時觀政刑部坐累下獄發北京營建淑圓年七歲擊登聞鼓訴寃仁廟監國矜其幼飯之釋時從任陝西封左臂和粥愈母疾長嫁西安左衛指揮使費銘年七十

妙錦皇姑

徐中山達第三女妙錦文皇帝欲娶為繼后女不可因不嫁人為尼常論草除事謂建文君當坐殿上以待燕王至苟不讓則死之何必自焚竄每語遜國事未嘗不痛哭也

玄君

正一真人張氏母妻封玄君

何夫人紫金掠

左軍左都督何文輝夫人豐氏常入內呼為媳婦賜紫金掠一个玉響杯一隻玉掠髮釵一副至今為家寶紫金掠温潤水蛇毒將此掠

水解毒

點記

文輝子儀

衛指揮使

郭真順

郭真順潮陽人遼周伯玉明初官兵下嶺南指揮俞良輔征諸寨未下者伯玉居溪頭寨真順遮道上詩良輔曰將軍開國之武臣早附鳳翼攀龍鱗烟雲慘淡蔽九野半夜捧出扶桑輪前年引兵下南粵

眼底群雄盡流血馬蹄帶得淮河冰洒向江南作晴雪潮陽僻在南
海濱十載不斷干戈塵客星移處萬里外天子亦念遐方民將軍高
名邁千古五營健兒猛如虎輕裘緩轡踏地來不減襄陽晉羊祜此
時特奉明主恩金印斗大龜龍文大開藩衛制方面期以忠義酬明
君宣威布德民大悅把菜一莖莫能奪黃犢春耕萬壑雲麓龍夜臥
千秋月去歲壺陽戍守時下車愛民如愛兒壺山蒼々壺水碧々至
吟歌咏之欲為將軍紀勒績天家自有麒麟筆願為壺氏歌太平磨
崖勒盡韓山石良輔覽大悅一寨得全

金濂出妻

戶部尚書金濂妻董氏永樂七年妻兄董英瞰其在學讀書盜其家
物後濂貴知搜得出官械英決斷妻亦遣嫁

會稽范氏二女

會稽范氏二女居賀家湖正統七年生好讀書姊適江氏匝月而寡
次許傅氏傅天二女并志別業垣圍其室并田十畝種穫有時父率
傭以入否則閉戶相對引溝灌田凡三十年共卜墓止水墩以遺產
祠之今過者遺穢輒得崇

會稽縣志

項襄毅胡婦

項襄毅大司馬忠初以刑部員外郎從駕土木陷中餉馬與胡婦

善挾而南走四晝夜食盡胡婦度不兩活乃併糧自殺項得入宣府
後祀婦家廟

婦人生鬚

弘治六年五月應山人張本華婦崔氏生鬚長三寸見寔錄

嘉靖癸丑青浦鹽廵鎮有婦人忽生鬚鬚時縣差以事攝其夫從壁
間窺之以為男也夫亦無獲携婦以歸邑市聚觀甚衆明年遂有倭

變青浦縣志

萬曆二十一年嘉興包彥平館華亭余塘宋氏其隣侍姬鬚長五六
寸二十餘莖時年六十自三十三歲始生鬚拔去仍出至五十歲而

止包彥平集

女化男

正德七年平涼府太平橋下女子高四姐儼予故廬居化為男子生

鬚名高雷今六十餘有二子趙時春平涼府志

崇禎戊辰華亭莫氏女化為男子遂儒服裹巾庚午嘉興屠用明見

于陳眉公座上既去眉公指之曰此即莫氏女變男者

貞女節婦解

靜寧州曹氏聘于王守仁未嫁而守仁死曹氏聞之慟哭不食遂縊
死趙中丞時春駁曰在家從父女與未婚之夫胡死哉自經溝瀆耳

作貞女節婦解 未娶曰士未嫁曰女士納采女家受之氏名通焉
曰聘未有夫婦也士奠鴈女家受之父命之東階母命之惟庶母及
門內施鞶申之以父母之命姆奉登車士御輪焉先歸而待諸里門
至則揖以入共牢而食合卺而醕成昏禮焉故曰夫婦始易士女之
名也婚昏也陰陽交際之時人道取焉是同生死故婦從一而終曰
節也聘而未嫁非婚也女非婦也待姆而行、不踰闔以順父母故
曰貞、者順正而固也女德也故婚姻之禮不備則貞女不行、則
非貞矣士未迎父母未命姆弗待也而奔以哭士而事其親于律無
服而強持服聞哀生于情、生于禮此之何禮而于士何情也不備
禮而行謂之奔褒奔婦則逆義違親命則傷孝是宜為國大禁今取
之而與節婦同論甚非禮也故曰大不可
按浚谷先生持論太苛予傷曹氏之志曰陷水可脫陷文不活特錄
其文以告淑媛毋俾曹氏重枉也

墓婢再生

嘉靖初南克劉氏婢么女父嬖之母妬臨墓推入之三年後墓母開
穴么女伏棺上不死出言與其父處如恒時若夢中無少苦

張安人柩白花

泉州張守化贈君婦陳安人卒棺之前和發白花重棲教朵高大可

半尺香如蓮

韓烈婦

萬曆庚寅五月癸亥德州韓承業婦王氏殉節初承業沒戊子孟夏
誓殉之七日不食姑強之食糜遂絕益茹每晨哭燃香誦佛不絕
居二載忽治葬留偈几上跌坐室左戒人無近俄口出火下垂色白
如輕雲鼻流玉筋良久火徧體金色焰至數丈光達數十里而香火
盡遺骨如生所坐土結蓮花千朵事聞撫按為立祠表門

秦昭奴

定遠合肥間有亭曰響道旅店之東方萬曆末秦昭奴題詩二首序

曰妾本燕人幼依表兄李內官處撫育教訓頗習詩史年十八嫁為
江南士人側室雖愛有所鍾而分制于嫡春燈秋月獨宿多愁長途
旅館孤衾更慘夜深滴泪和墨成吟亦以寫斯幽怨云爾逐日一程
又一程風沙拂面鬢雲輕鴛鴦有伴非吾伴愁向孤衾數漏鼓其日
日長途馬上塵佳人薄命怨青春小星千古真賢淑坐對寒衾泪滿
巾其後書秦昭奴記時某年月日也跋曰昔王昭君遭胡曹大家能
文而寡妾文不逮曹而境未遭胡而有夫無夫咫尺胡越意頗似之
用取小字以識深愁後之文人君子倘憐而表章之君施恩不酌妾
感且不朽昭奴又記燕人霖南榮集

陳氏遣荒詩

萬曆戊子金陵孀婦陳氏作遣荒詩年來水旱作災屯疾疫家、盡掩門兒女莫嫌全食粥眼前不死亦天恩

吳江張烈婦

吳江諸生張士柏娶沙溪陳俊女士柏天遺女三歲其兄士松利婦產以鄉人徐洪義子張程字之婦不聽乙亥十二月既朔群黨夜突入脅婦往死拒之不克士柏從孫女故遣徐氏因迎于家越六日陳訴縣侯德清章日灼日灼杖其媒徐義以婦爭之強刑其指拳曲不受遂圖婦謂在徐洪宅連夕無可白也已婦出獄忿甚丙子三月訴

按臺不得理四月既朔訟離臺于松江離臺欲下吳江令婦計迫即自刎郡人義之厝東禪寺旁道祭相望日灼竟憂死徐洪等各伏罪

錢塘劉氏女

錢塘江許劉元輔女字諸生吳嘉諫未行年十九夜常度蕭隣人張阿官故亡賴聞殺依和又偵女貌夜躍上樓穴窺偏女、大呼賊元輔驚起繫阿官髮之未及旦阿官兄子養忠知其故糾黨斬門且鳴金號于眾曰元輔寔以女張而又穿之女聞之大恚自經訟于郡守光山劉夢謙而阿官謀于訟師丁玉蘭賂元輔以女承污則罪不死郡守疑之陰訪其女故潔得元輔私狀阿官論如律初嘉諫弔其女

刺眉投孟水中不散謂處子也拊屍大慟而丁玉蘭忽白晝見女自搏叩頭而死上虞倪尚書元璐傳劉氏不言善簫

命婦能詩

福清林鴻官膳部郎中婦朱氏能詩常作詩最鴻年十九卒鴻終身不娶

仁和陳德懿南康守敏政女適都御史李昂通達往典尤工詩詞有集四卷

當塗鄒賽貞國子監丞濮婦封孺人博學能詩有士齋集三卷子韶弘治丙辰進士官編脩

仁和楊文纓工部員外郎應獬女為餘姚孫陞繼室能詩子鉉編修封夫人詩稿附文恪公集行于世

永樂初誅建文遺臣以妻女發教坊配象奴有一婦題詩帶間赴武定橋河而死詩曰不忍將身配象奴手提麥飯祭亡夫今朝武定橋頭死要使清風滿帝都或曰此松江謝氏婦也

華亭王鳳嫺進士張本嘉妻本嘉知宜春卒官艱辛自誓撫其子汝開舉于鄉為懷慶同知封孺人有焚餘草雙燕遺音行世

上元倪岳冢宰婦氏有集

翰林陳沂繼室馬閻卿能詩書法蘇長公善山水白描橫幅年近八

旬不廢吟咏有芝居集

楚女畹蘭和新嘉驛女子詩二首驛舍題詩今尚存斷煙荒艸鎖重
門多情况有千秋月夜、墻頭照墨痕碎壁沉珠最可憐墻頭題恨
墨猶鮮妖魂欲問歸何處不化鴛鴦作杜鵑

鄞縣陳東官河南提學副使婦董氏少宰玘之女能詩凡后岡稿成
轉共評定今董氏詩不傳

吳江沈宜脩字宛君副使沈琬之女工部郎中葉紹袁妻生三女其
仲季蕙綢小鸞竝工文墨中庭之咏不減謝家嬌女之篇有逾左氏
二女竝未字而天宜脩亦早世紹袁彙所著曰午夢堂集行世

吳縣范允臨官福建叅議婦徐媛字小淑工詩文有絡繹集

三水文氏翔鳳之姊適葛 有君子亭詩賦三百餘首手抄書六十
卷少寡自誓作九騷九篇詞義典雅稱其風烈

三水文翔鳳婦武氏粗識字鳳稱其能詩有文武合刻武恭人沒繼
鄧氏翔鳳齒踰艾婚夕翔鳳大書顛鸞倒鳳于室中鄧氏能詩甲戌
翔鳳得風疾壬午春卒甲申鄧氏事李自成今沒入范文程家

麻城王銍龍御史鳳韶女適劉守蒙十一年守蒙天死事姑誓不踰
闕父疾篤欲見之不歸寧也少讀書過目輒誦老而詩益工年七十
九目不見字猶使甥輩讀書坐側聽之李贄倡龍潭菴高談佛乘風

動四方鍾龍獨不往欲索寸札酌答亦不許其春日詩桃花暮雨煙
中閣燕子春風月下樓幽閨永夜燈前泪孤枕頻年夢裏愁秋月詩
霜飛衾薄紅棉冷雲歛天高綠樹寒病起詩對鏡面黃如菜色看書
目炫似花生

海寧朱淑貞尚寶卿祚之女適周濟官光澤教諭幼聰穎博極群書
年八十卒有靜菴集十卷

桐城張秉文官山東布政司婦方孟式字如耀能詩庚辰濟南陷秉
文死之孟式投池中以殉少讀書有婦德有紉蘭閣前後集八卷

鄆縣金文貞適王子登進士官副都御史封太淑人有蘭莊詩

集

漳浦黃道周官禮部尚書婦氏工文翰

朝邑屈安人適韓邦靖詩文唱和如良友邦靖早世安人後十四年
而沒有女異上書康海乞叙其母詩從之

女士

太倉薄少君庠生沈承妻承有雋才而天少君哭詩百首踰年值忌
辰酌酒一慟而絕

天台貢士表致中妻潘氏號碧天道人有碧天稿其題桃源洞曰千
年老樹萬年山洞口仙娥自玉顏劉阮當時那得見浪傳浮跡在人

間一天接青山路萬重仙家洞口白雲通聽殘一夜溪頭雨流出
花幾片紅琪

黃安人遂寧人尚書珂之女為修撰楊慎繼室戍滇南博通經史工
筆札攜之戍滇南後慎奔父喪安人留于蜀應家政閨門肅詩不
多作慎有詩答內又別和三詞皆不及也寄夫詩鴈飛曾不到衡陽
錦字何由寄永昌三春花柳妾薄命六詔風烟君斷腸日歸日歸愁
歲暮其雨其雨悲朝陽相聞空有刀環約何日金雞下夜即黃鶯兒
詞積雨釀春寒見繁花樹殘泥塗滿眼登臨倦江流幾灣雲山幾
盤天涯極目空腸斷寄書難無情征鴈飛不到滇南

劉雪瓊山西臨縣人孝廉趙祜之妻有水雪居詩自署曰離石檻花
居士

莆田黃幼蒸字漢宮蘇州同知儀之女適林恭卿沉静知禮舅沒極
力奉姑所居不蔽風雨近歲罕面年三十九所著有柳絮集

蘭谿舒大猷萬曆貢士陸靜婦專工小詞以脂筆書字落紅滿

楮

閩縣儒士鄭坦妻鄧鈴字德和坦卒封雙耳自誓詔旌其門萬曆中
嗣子雲鎬貴贈宜人有風教錄

山陰王素娥能詩文善女紅遭胡節死于燕娥誓無他志年四十

一卒

陸卿子吳人尚寶卿司道之女適太倉趙宦光宦光棄家廬墓與卿子偕隱寒山卿子能詩文有雲卧閣考槃玄芝諸集

李玉英錦衣千戶李英女父死弟承祖幼繼母焦氏有子謀奪蔭毒殺承祖出其妹桂英而誣玉英以奸指其送春別燕二詩為論死玉英奏辨世宗察其枉得釋

文侍

吳人陳寬孟賢侍姬曰梅花居士掌文墨

華亭王一鵬訓導善画居泖上俱侍姬供筆墨

棗林雜俎

空玄附天主教

佛蛻

釋迦佛真身在錫蘭山國

無量壽佛真身在廣西全州

吳康僧會真身在海鹽金粟山寺明初移南京天界寺

梁番僧智藥三藏真身在韶州月華寺

唐長耳和尚真身在錢塘西山法相寺

益官談遷孺木著

湘潭縣湘山有唐僧真猷至今存土人祠禱輒應 顧璘息園存稿

阿羅漢

真臘國天竺僧僑陳如自西域來主其國至其首姓斜科名質多思那者日漸強盛嘉興嚴從簡殊域周咨錄云杭州淨慈寺裝羅漢像五百以僑陳如為首今觀陳如特夷狄之主耳但教人事佛寔非所謂白晝昇天降龍伏虎有諸佛靈異者也今乃崇奉香火以為尊神則其誕可知矣

目連石塔

永年縣城二十里目連村有寺一小石塔為目連和尚墓

阿育王舍利

鄞縣西五十里鄞山晉太康二年沙門慧遠感從地湧出阿育王塔其狀青色似石非石高一尺四寸廣七寸露盤五層四角挺然中懸金色小鐘不盈三寸舍利綴于鐘下圓轉不定其光搖擣若即若離隨人隱見繞塔四周俱是縷空諸佛菩薩金剛聖僧八部等像神工聖蹟非人力所及梁武帝造木塔籠之今名廣利寺萬曆丙子平湖陸冢宰光祚瞻禮初見舍利大如芡寔已如彈丸已大如瓜最後大如車輪五色變幻光彩射目壬子泰和郭孔泰孔陵瞻禮舍利初視若黍米已如荳如蓮子同觀者或見如新菱兩角垂絲，綴以北珠

或見如葡萄色或見如桃瓣或見如金蓮花瑞相種、不一又秀水朱侍郎大啟禮見如菘苳許色瑩、如水晶踰頃忽微紅色次早諦觀之無有也弘光初奸僧竊舍利去今綴以珠無異

達磨石像

嵩縣少林寺達磨面壁處崑山魏恭簡校督學河南以面壁石與影石不同謂其妄命登封令侯泰鑿之今影石與故雖鑿不為損

玉石佛像

弘治間慶雲縣人掘地得玉石佛像二一北齊天保八年造一武平六年造座上皆刻造佛文字併興造各人姓名自北齊至今幾二千

餘年而此像既沒復出物之隱見信有教存焉 慶雲縣志

寧夏銅像

寧夏古靈州城東北鉄柱泉旁有窟人莫敢入景泰間李某同一僕執燈以入行二十步推開一石門有銅鑄佛像旁有二僧屍覆以錦衾其面如生而金貝之類環其左右恣取之將出風颯、燈息門閉鼓鉦齊鳴李恐懼欲死盡棄諸物俄于旁窟匍匐而出明日集眾往掘之堅不能入機械如洛陽也 寧夏鎮志

宋濂前生書華嚴經

宋景濂先生、時母先夢僧云永明延壽手持血書華嚴經求借汝

一室以完願後先生至蘓州半塘之聖壽寺恍惚前事得經于葦井
上則前元聖壽寺僧善繼所書、法如趙魏公端楷不苟八十卷如
一多名僧題跋今在杭州赤山埠西六通寺中見馮祭酒夢禎日記
按宋慶曆八年張方平以端明殿學士右諫議大夫知州事公為政
清嚴一日游瑯琊山藏院輒俛仰因勅從吏取梯掖陟梁得經函、
有書寫楞伽經半忽披玩悟前身故僧也寫未竟逝乃為終竟書、
法宛然不殊號二生經時、為人誦經首偈、云世間離生滅猶如
虛空華知不得有無而興大悲心後授蘇東坡東坡序之仍為寫刻
浮玉山龍游寺中

藏經

國初重刻大藏經留大報恩寺四方僧眾咸許摹傳見永樂十一年
義烏王稔華陽教寺閣記今南京刊板藏禮部僧眾非厚費三四百
金不能得北京刊板在內府非特賜則奏請餘不能得

藏經舊刻六百三十七函梓于永樂庚子正統庚申成萬曆初慈聖
皇太后續刻四十一函起華嚴玄談會玄記至第一希有大功德聖
記普陀山志

觀音夢感經

仁孝慈懿誠明莊猷配天齊聖文皇后常夢白衣大士口授數千言

覺而記之自製序入大藏

佛牙

嘉定尚書徐太室學模集云守荊州見孱陵二聖寺佛牙形模詭異
香氣襲人其詩孱陵佛牙如掌大妙香伴供彌陀座三水 文太
青翔鳳集云見南京西天寺佛牙頗疑其非寔蓋如來佛四十四齒
若生長二寸博寸許則面當如車輪矣此必異獸骨也予于南京天
界寺見佛牙長二寸博寸許瑩潤如菜玉而竊謂太青所論大有理
至孱陵佛牙如掌則又大于西天、界二寺所供矣按佛國記佛有
四牙廣半寸長半寸一牙在呵條國一牙在天上 一牙在海龍王宮

一在乾陀國、王使大臣九人守保之月朝捧齋牙出夫牙廣長各
寸半意得其真今所見侈矣

寶金和尚

國初寶金和尚碧峰者留千佛袈裟衣一襲于繁峙之普光寺云人
衣之則死草覆之則枯嘉靖癸丑北 入寇披于馬上馳驟往來亦
未見有驗 繁峙縣志

和尚常上書求增建職司大理寺卿李仕魯言天下學校尚未建儒
風尚未振而先為異端壽赤幟非所以垂遠也忤旨乞歸謹死

僧娶妻室

鳳陽大龍興寺即皇覺寺一曰於皇寺太祖勅僧律一曰有妻室僧人除前輩老僧蓋因元末兵亂流移他方彼時皆有妻室今已年老毋論外其後進僧人有妻室者雖在長上輩比肩及在下諸人皆得凌辱亦無罪責今僧俱葷素又無差累

邵武汀州僧道皆娶妻寺僧教百推一人削髮餘如民俗雲南大理府山僧有妻子亦讀儒書

莆田林兆恩懋勳究心儒學兼通道釋學者稱三教先生嘗詣京欲上章婚娶二氏弟子安溪黃本移書止之曰有即得行甚善願此時詰闕上書者皆黃緇符篆者流吾師欲以婚娶二氏易天下不惟不足

鉄塔

當陽縣玉泉寺鉄塔鉄鑊皆隋物

釋迦塔

應州治西佛宮寺遼清寧二年田和尚奉勅立有釋迦塔高三百六十尺圍半之六簷八角上下皆巨木為之層如樓閣玲瓏宏敞稱宇內浮圖第一塔後大雄殿九間通一酸茨梁周氏豐潤人宣德間生幼不茹葷長從釋教誓不出戶年七十餘坐逝隨吐火自焚得舍利數十粒甚神向北而去人多見之

寶光寺泥丸柏

懷慶府城東北四十里明月山高峻舒豁山皆古柏無他木云元奉定丙申僧寶相創明月寺乃以泥丸柏子持彈弓四射岩谷中今蔚鬱成林障蔽天日者皆泥丸柏也明月寺天順戊寅賜額曰寶光寺

智慧菩薩

四川古城用曉師女生而不葷好誦經年十九或議婚輒面壁卧經旬不起常絕粒食柏葉成化五年促其父母送至江村口白馬寺樓上自焚結跏坐滅歷暑不朽神顯靈異鄉人遂炒沙築其身裝塑成佛號智慧菩薩梓人多事之最靈驗

四川通志

黃明立菩薩

臨汾泊庄村窰洪晉女生崇禎三年二月生時母張氏夢鼓樂迎菩薩至其家後嫁適王勳里人張問道俄感疾三年不痊因還母家疾如故遂禮佛跌坐順治七年正月廿五日云得道八月望日云在神前考過受西方佛封黃明立菩薩命作龕置空地西向廿八日午刻云火光菩薩太陽真人俱來相助至期火光自七竅迸出焰高二丈餘有白蛾從火內飛出翩、直上觀者數千人忽聞空中樂鼓異香三日不散初指于村西立廟經始之日忽南壁上生柏樹數十株長二三寸許有跡在焉

達觀和尚

達觀和尚真可宿吳江邨菴中旦語主僧曰昨爾婦訴冤空自省其僧常少娶以冤死大竦異命即禮懺訖出佛前朱几火之主僧如其言朱几鑲以石得赤蛇則婦孽也常宿華亭徐氏所曉起語主人曰昨夕女婢訴銀壺之枉銀壺重十八兩三錢見在某室可按覆也因入其內指乳母床頂上果得壺如其重

吳中書說

和尚常寓嘉善東門外景德寺時大悲閣圯卜葺之未利云後自有入甲辰五月錢相國士升明經時夢和尚為祝髮加僧帽出法華經示之展卷赤光瑩、寤後猶未知所謂達觀也先癸卯冬師化去已

相國父疾迎醫于嘉興楞嚴寺偶憇經房間法華經幾卷曰七卷主僧出和尚血書法華經頓悟前夢道念始切其冬手書法華經一部及解相重修大悲閣得和尚自題像摹刻于石見記中又手書法華經一部相國又曰邑人盛懋相問秋闈事師曰老鶴窠頭立懋相不解曰待子來萬曆丙子登科

神祖手書金剛般若金汗漬欲易之命曹內官問和尚答偈曰御汗一滴萬世津梁無窮法藏從此放光大悅

懋山和尚

沙門德清于膠州勞山舊觀音菴地建海印寺德清初與內監張本

善本奉太后懿旨賚藏經分散名山而寺無上名本遽填海印寺與
之道士耿義蘭爭其地具奏下法司擬本以詐旨論死德清謫戍雷
州寺亦毀師常注老子至天之道其猶張弓乎予思之未得乃借弓
懸壁間忽悟張字與弛對時弣高而有餘弣下而不足祇歸無用及
張而用之則抑高舉下捐弣補弣上下均停可以命中天道全以動
為主主施而不主受也

閔頭陀

萬曆間閔頭陀不知何許人能分身現形一日至
兒乞火置掌中即熾并其身骨俱燼

菱湖鎮向小

密雲和尚

密雲和尚住鄞縣天童寺法席甚盛猿啗團圞衣師嘆曰業畜何不他
食而必衣之是及也明旦群猿臥衣側不復噉

僧大香反史詩

周公恐懼流言日王莽虛恭下士日決使當年身不使要留真偽與
人知

僧佛日送雲

仁和塘西鎮佛日僧住黃鶴山已隱西湖之十八澗開法雨泉披榛
數十丈見石壁鑿佛日寺胡太史仲脩嘉許偕登舟僧挈榼送之滿

貯白雲啟則濛涌流裊于蓬櫳之間郁、勃、所謂祇可自怡不堪
持贈又轉作一解矣

祖師像

國初禁中有祖師画像八十八尊供牛首山之祖堂萬曆甲申沙門
達觀以新安丁南羽摹之分送五臺峨嵋錢塘黃祠却汝亭臨之送
天竺寺嘉善錢相國臨之送景德寺

像不惹塵

弘光初游姑蘇之北寺有不惹塵觀音殿像設如新按酉陽雜俎都
下佛寺神像往、有烏雀不污者鳳翔山人張盈言或有佛寺金剛

烏雀不集者非其靈驗也蓋由取土處及塑像時偶與辰旺相、符
也

求履僧

嘉興李孝廉士晉有僧摹履命僮索之僧笑曰果履乎李未解僧問
其衣何物曰紬僧笑曰羊質虎皮李色駭僧曰能從我游乎曰請俟
異日因入取履僧不復見

僧誑

南都有僧突達官前驅將撻之忽云打不得我建文皇帝的裔也欲
啟其橐又云中有內府勅開不得遂下僧錄司其僧猶端坐抗語因

送禮部都下喧傳各衙門會訊莫敢誰何內一人強健解橐則法華經一部也蓋犯道畏責作此誑語蒼雪上人說

臨川黃端伯司理杭州素佞佛歛衲雲集有僧漢人求閉關靈隱寺約某日回首須二击合瘞司理如其言遣隸守之屆期夜挾刃欲逞隸亟縱去其隸予所識也

張真人印劍

廣信龍虎山正一真人張氏寶劍二玉劍一印四一白玉方紐徑寸二狹幅朱文上帝舊書一銀方如玉世廟所賜一白玉雙螭紐徑寸四濶幅文如小玉方國初所賜一金紐如菴蓮轟起雲雷篆今真人

府燬器具存

神樂觀歲給

南京神樂觀歲給乾魚萬斤鮓三千斤米三千石小麥千石黃荳二百石芝麻五十石樂舞生三百三十餘人歲支夏布三疋棉布三疋絹一疋綿半斤

張三丰

張三丰俗名馱字玄一號三丰又號斗蓬又呼籛過仙閩縣人又云羊城人也七歲能奕即無敵十歲習儒業失怙恃長入番家華林遇至人偕棲三十年出山混俗歸閩補刑曹吏閩人未知也未幾因劫

獄連坐戍貴州平越衛同解將及境師浴于河溺焉明日自水出袖
各司回文批帖解者探囊中原文已無矣始神之重受餽而別至平
越千戶張信少敏慧善奕師往較焉稱國手一日殘局終宵抗衛因
記之各就寢張夢老嫗汝棋當如是而後勝辰起不數着而師負矣
師大笑曰驪山老母大是饒舌由是人知其異遠近播傳師將遠遊
辭故人十餘家皆餞于一日席皆有師人愈異焉別張信曰吾為墓
若父命信取骨自負指岩窟窅曰汝勿懼往擲置之口中既入見石
牛欲相啖畏而掛角出以告師曰大至封侯斯亦足矣復授鉄椎命
往擊洞門石磴且曰擊不過一二錐至斷而已張力不勝擊至七方

斷見金魚飛去歸白之師曰惜哉汝八口止存君一人十年後位至
封侯十二年間當會于武當言訖而去永樂靖難信以功封隆平侯
至十二年果敕祭武當山見師山中石岩炊瓦釜形質憔悴破衲腐
穢傾米飲為茶送一棗張不飲袖其棗而別下山視棗已長尺餘驚
訝復上山尋師已逝矣追悔莫及師曩居平越高真觀今有禮斗亭
浴池石碁局山中常有人聞磬效鼓响振岩谷後移居武當往來天
柱五龍南岩紫霄諸名勝洪武庚午拂袖長往不知所之郭子章按
他書云張三年遼東懿州人名君寶一云寶雞人

范達河內人有奇骨讀書過目不忘成化間棄家從異人游遂為武當山提點邑人某至武當見達乘肩輿丰袖飄逸羽從數十人與達語移時問其家事人甚恚又數年見達童顏猶昔行步如飛不得近後名其故居曰仙人村

桃林老道人

正德時 劉閣剽盜漢中之牛山燕子嶺草庵有老比丘自稱元時人白首童顏問其年不記出度牒紙厚方可七尺字如紫蚓盤蛇蒙古書也對人跌坐又至桃林源澗繞草舍一道人年九十餘色不稿云採桃寔自給左右言其橐豐求餉明發稿二千人以金歸而復

召此二人皆不知所往

朔蓬頭

朔蓬頭夏縣人如意里朔德之遠祖也里界聞喜間就大溝上架大橋後出游方外明正德中有道人蓬頭至橋邊云朔氏指其宅墓故址且言村巷某處舊有碓石掘二尺許得之人且驚異居數日傭于張鸞家種田忽不見

道人題壁

嘉靖初吳江平望鎮殊勝寺有道人題壁我自蓬萊跨鶴歸山僧不遇意徘徊時人莫解菩提寺三十餘年化作灰後燬于倭

張福

張福者淮陰盜徒也性悍恣不下人一日乘涼樹下有老僧同坐老僧忽舉手擊張一掌眾皆為僧危之謂此惡少奈何犯虎口哉張默然僧又擊一掌不應至三擊則叩首曰吾解師意矣僧曰爾來至一菴與壽對坐旬日語張曰若有得矣須歸富貴人有善根者為外護若妻子則謝絕勿念也張歸舍其妻方與他少年淫媾其人自牀投地請死張曰若有緣也無恐不知若有辜乎少年對曰未有張曰子請遂以為室又呼其子與隣老未有子者子之曰亟去毋來迹我乃竟往投萬搃戎鹿園萬問之曰若何能曰請為闍者司出入萬因置

之門萬本大家男婦常數百人出入無忌張日危坐于戶至晚必報主人今日某、出某、入有戲渝無禮蹈法者必告居三日萬氏門肅然無譁者又數月萬知其慮確可托也命之守書舍司銀錢出納則銖兩無爽有不經者必裁節之一日萬自外歸見張坐其所坐處呼曰若何敢 我坐張起而對曰主人何無平等心也萬登坐覺坐席熱如火心異之又一日萬自外來則張寢其牀萬又呼曰若何乃爾又曰主人何無平等心也萬登牀覺牀如火坑大異焉時有吏部郎過淮得瘵疾甚危萬以語張、曰請為療之乃相與背坐吏部即覺背如火焚旬日而瘵愈遂往京去一日張請于萬曰小子修立有

微効矣請一靜室求一姬為伴萬乃呼婢數十人使擇張曰是皆不堪請將軍所幸姬萬難之已度其人非酒色徒也何難一姬以妨大道竟與之張乃挈一姬一婢入室鑿壁而進飲食居八月以姬還萬詢婢曰彼日與姬對坐相去函丈未嘗近也姬亦素好道平日閉戶焚香掃地而坐每以悟真篇問張、不答亦竟無一語也張自出閨則請主人白布數丈金二兩又書字一紙緘之與銀布同置一廂請以某日開萬如其言居亡何詣萬前曰小子歸矣叩頭而出萬望之不得使人亟追之其行如飛不能及也至故所遇老僧處跌坐合掌而化萬乃開其所緘廂則上書曰小子以某日行請以布欵以金

制龕主人親封之萬乃歎息恨失至人也居有頃前吏部郎自長安以請急歸來謁萬、曰若知張福化乎吏部郎曰我于濟上遇之談笑竟日胡遽有此萬亟開龕則僅有布在其骸不見矣萬諸僮常見之淮徐間萬本名將晚歲好玄每日靜坐守中張謂此有為法非無上道萬每叩其有別術不語但曰天下無有富貴神仙孰能棄三公而荐天下賢者以澤蒼生孰能棄萬金而施貧者以脫人于死孰能割恩愛塊然獨處而與虛白為對無是三者請勿語道少司馬許公孚遠亦識其人津、稱之曰吾故有此異人也

馮時可二氏餘談

鹽官馬湘字自然。少為小吏，自然獨好經史，工文學，常徧游方外。至湖州，醉墮雪溪，經日而出，衣不沾濕。指溪水能令逆流。唐大中十年卒，塋于其家東園。明年東川奏劍南梓潼縣有道士馬自然，白日上昇詔杭州，發其塚，止存竹杖。今塚不存，有石井在海寧縣西北十二里。云自然所鑿。嘉靖戊午，武進薛應旂督學兩浙，修通志，意廢仙釋，不錄。七月二十四日，有神降箕曰：丹陽道人馬自然，煩大夫幸毋舍我。薛曰：欲入志乎？曰：然。遂不敢置。杭州府志

高古峰

柳州東門高古峰

好道棄家游桂林蒼梧間，簡率少文，晚隱端

州石室，十年入廣州教人，以死心孝廉李潔問上弦兌八下弦艮八之功，曰：亦用之。或詢以歲里，曰：多事生弘治庚申終天，啟壬戌九月年百二十三歲。

呂仙自序

萬曆初，葛守禮殿士儋楊博王家屏諸大老會燕，即齋素求呂仙箕書本唐之宗人，名瓊，字伯玉，配金氏，生子四，甘美豐克。年五十登第，授縣，不意有日月當空之禍。凡我同宗觸之者，滅予甚恐。棄四子，携妻山下，築于洞，僅兩口。故氏呂名岩，字洞賓，後妻亡，號純陽子。

道士火遁

山陰王循學萬曆乙未進士是春讀書西山夜對觸俄閃燦有毅見人自燭出可三四寸盤走几上尋登坐則脩一二尺如道家裝侍兒驚匿亡何又盤走地上儼然人也語人曰毋我避也且乞茗因共語鷄鳴而別漸縮如初入于燭明日訪京邸中貴云是日大內齋期或道士火遁也王終南海令其甥朱若一說侍兒尚存

麻城道士

麻城道士 以道術著黃州守某憂子婦困蓐布幣求療道士方象爽，畢語使者曰爾第去亡恙第胎衣中還我一棋子使者返果產胎衣中棋子在焉包令孺說

清河異人

萬曆七年十二月有異人經清河縣之唐家口坐而化偽傳為呂祖涅槃遠近喧動男女焚修者數千人大為地方憂時令向日紅入朝明年三月還任則眾已漆其屍而神之立廟日紅佯為祭文默約植一枯竹曰屍誠神三日生吾竹仍為廟否則不廟也越三日竹尚枯乃毀而瘞之謔言頓息然人竟不解其故或曰病也 清河縣志

苟道人

姑蘇苟道人不知其所自救緼行乞歷寒暑如一冬月鑿冰而浴人咸異之嫌其姑不欲近而就問多驗弘光二月坐逝鼻垂玉柱尺許

時予客蘇郡值華亭朱尚書國盛國盛好養生家言云常就門道人
誠異人也

棗林雜俎

烟鑒

柄相末路

鹽官談遷孺木著

嘉靖戊申年大學士夏言臨禍貽憲副吳學愚賢婿吾擇壻得汝門
楣光矣患難汝扶持累汝受驚苦多矣無以為報但我有志恢復河
套寔欲自盡犬馬之忠不虞至此今復何言今且死矣身後惟有生
平奏疏詩文諸稿望子為我編校成書諸序并年譜乞借雄筆以賴
不朽諸稿有文五卷一經手亦已囑之矣平生大節賢壻所知得禍

之詳賢壻所悉他日世有公論不能無望賢壻紀錄願留心留心千古之托也處分家事別有遺囑但望教導諸子侄輩各宜守分仍道我苦處俾勿起爭端以召意外且以彰吾之過也遺言賢女安人我止有汝一人又不得一見而死千里遠來何以為情哀哉哀哉身後望汝歲時墓上看、奶、今不知生死何如又不知去配所否今不能作書或已死已去不可及也生離死別家散人亡可憐誠可憐哉勿復道勿復道汝夫婦各要和睦世上事汝今知之懽樂難得也

擲筆長逝勞形生何為忘情死亦好游神入太虛相伴天地老

吳春
山東

按察
副使

萬曆十二年故太師張居正子禮部主事敬脩自縊遺詞

四月二十一日聞報二十二日即移居空宅男女驚駭之狀不忍言五月初三日丘侍郎至府初四月即差官提張敬修面審其中細微曲折之情不及多言但其大主意在屈坐先公以二百萬家貲又要我扳承天夷陵本縣三家要坐曾確菴家寄銀十五萬兩坐王少方家寄銀十萬兩坐傅大川家寄銀五萬兩他云依說便罷如不從則當奉天命事其間恐嚇人之語令人膽破魂飛嗟、此三家者皆怨仇禍患與張門同之以數十萬為寄何其愚哉或當事者處心蓄謀已定區、何能分解而威勢所逼只得欺天枉人從之夫教

十萬銀吾意三家縱濫何能有如此之積天上飛來之禍何愛片言之重只得從當事之意蓋料三家斷不能完結此事吾日後何面見之區、微衷不能自白恐後世以敬脩為何如人品今又以母子叔侄恐團聚一處有串通之弊乃于五月十日又出牌追令隔別不得相聚接語而母南子北夫東妻西又悞會審之時嚴刑拷訊羅織鍛鍊後日事又大可慮者令幽囚倉屋風雨蕭、青草鳴蛙無不助予之悲悼人非木石豈能堪此凌鑠告知神明決一瞑而萬世不視嗟嗟人豈不貪生畏死而敬脩遭時如此度後日決無生路孔子之聖也而死顏回之賢也而死况平日于生死利害嘗之熟矣今屈死黃

泉勢不容已承家事祖并奉祖母二母饘粥則有諸弟在予母哀受辛苦予妻素賢明善持壺內有古烈婦風吾此舉不得自保可怜我幼兒女皆六歲稚子言至于此痛心酸鼻不能終其說他如先公功罪與近遠潘誣陷事情則自有天下後世公論在敬脩不必言也獨空坐二百萬又欲屈坐魯王傳三家三十萬欺天枉人不得已托言片楮沒齒以代剖心此書送各司道一目非肯為此溝瀆之行也五日十日寫完以期必遂而夢兆稍言不果至十三日各欵差上司會審叔侄俱嚴刑拷訊徧勒扳扯他人亡慮數十家扳而合諸公意即首肯之不合其意者叫另開來合則從不合則夾打令人魂落

無生氣嗟、此古今宇宙未有之情、父母遺體生平眼不見刑、是脆薄之軀、豈能勝之、各位上司奉命而來、如得其情、則哀矜而弗喜可也、何忍遽至于此嗟、此數之莫可逃也、既令扳各家、倘臨時對理不驗、何以見諸公、而且諸各扳扯亦多人、皆平日所未聞者、我輩寧死豈能扯他人以解己之禍、甚矣上天之愚弄人也、而又使吾叔侄輩自愚、何忍何忍、任巡按活閻羅、你也有父母妻子之念、何忍殺人媚人以如此之酷烈也、今不得已而死、明心萬分出于不得已、若十三日拷訊口詞、鄉里三尺童子、知之不必多言、有便乞傳山西蒲州張相公說張門事已完結矣、無煩掛念、願他輔佐聖明天子於

億萬年也

談遷曰、讀夏氏張氏二書、令人凄然以泣、方其秉國之鈞、百吏震悚、氣勢迴山、嶽一朝失據、步入西市、諸子為囚、富貴安在哉、今貴溪江陵之論定矣、功九而罪十、敬脩懺死、亦知洪朝選劉臺之寃乎、昔閔將軍沒後、時在荊州、玉泉山現靈有僧呵之曰、顏良文丑頭安在、敬脩書成之日、洪劉之寃結案矣、丘侍郎檣、齊人之有教望者、懸贖酷拷貽楚患、數年卒無子、亦未常無天道焉

崇禎十六年五月 大學士周延儒放歸、復見徵知、不利憂泣、或請解于中官賂嘉定伯周或十萬金、或達之中宮、以駕久不至、奈何

請授指東宮東宮每晨謁至是啓曰近來久不見周先生何也上曰
爾何自知先生曰父皇常稱周先生故知之上曰此非好人今不得
稱先生上心知其指迨曙錦衣衛
同法曹至私邸排闥而
入相國披裘起裘絨中家僮見耳目有異各驚匿求青衣未得緹校
脫而衣之拜命飲泣求筆墨占句倉皇不屬使者促之掣筆就縊

狂誕

餘姚諸燮子相嘉靖乙未進士除兵部主事以簡伉忤時謫茶陵州
同知量移潮州通判轉印武同知寬簡御下勤于勸學氓士胥悅
素深經學脫略自喜家居惟授徒自給後客嚴陵大醉般礴裸游祠

江鼃噬其陰以死

崑山王逢年游京師為相國慈谿袁煒掌記時飲于市遣使四索因
諷之怒曰爾時文登第立文拜相乃牢籠天下士乎去之逢年常偽
撰漢黃憲天祿閣外史隆慶初逢年坐事死

吳縣張猷翼幼于太學生能詩好游仕路狎教伎慕古嵇阮之習與
友人張孝資或紫衣挾伎或跣乞市中或歌或哭猷翼贈孝資詩中
年分義深相見心莫逆還往不送迎抗手不相揖荷鍾隨吾行操瓢
竝吾乞中路饋吾漿攜伎登吾席蒿里教漸高薤露歌甫畢子無我
少雙我無君罕匹猷翼每念故人及亡伎輒為位置酒向空酌酢孝

資生日乞生祭自為尸獻翼率子弟衰麻環哭上食設奠孝資享之
翊日行卒哭禮設伎樂哭罷痛飲曰收泪自是率以為常萬曆甲辰
年七十餘攜伎居荒園中殺于盜沒後人皆惡而諱之

棗林雜俎

緯候

五行

儀封王子衡廷相曰甲乙丙丁子丑寅卯大撓作此以紀歲月日時
非有所謂甲乙屬木子亥屬水之說然亦偶爾宗之即以當年為甲
子歲仲冬為甲子月冬至為甲子日半夜為甲子時不知經歷幾千
歲後人乃以五行分配之此半塗立論無所本始不待智者而後知
矣且夫五行之氣無則已矣有之則一日之內無不全體具在安有

鹽官談遷孺木著

今日為木明日為火又明日為土為金為水乎何春止為木夏止為火秋止為金冬止為水乎何土惟旺于四季而餘日土氣即絕滅乎
答何粹夫
論五行書

新都楊用脩慎曰今之易卜以甲乙起青龍丙丁起朱雀戊己起勾陳庚辛起白虎壬癸起玄武蓋不通理者遷就之弊也戊己同為土豈其分而為二騰蛇為北方水獸何以移之中央乎今定其次戊己共起勾陳而壬起騰蛇癸起玄武得其當矣何也北方之次于卦為艮有終萬物始萬物之意于方為北又為朔于人身為腎有左右于卦為習坎于器為權衡于物為龜蛇于色為玄黑于官為修熙于四

德為貞正而固亦兩事也于太玄罔象直首冥以配四時而冬兼首冥且壬為陽水以騰蛇之雄配癸為陰水以玄武之雌配不易之道也此悞千餘年矣卜之不驗豈不繇此

東粵李潔曰久晴遇丙丁必雨久雨遇丙丁必晴而庚申次之若遇丙丁而不變是謂日月不換丙乃天地之病故病從丙也北方淫雨百姓即請官吏祈晴仁政之先務也南方往、太遲八月有二易緯以節呂氏春秋以方烈風多起于戌日而箕宿次之

雄日

甲子值單日為雄雙日為雌
日中有樹似松名空青之林食其業者
身為金光

子日

正月上旬無子日大臣不安位 焦周說

上戊上丁

李夢陽曰郊上辛社稷上戊孔子上丁戊在丁後故先丁如十日丁則一日戊當先戊而後丁以丁不常十故人鮮知一日之戊弘治間吏部主事楊子器上言戊從初十之丁則次戊非上戊也時無諸禮者竟寢不行

制日伐日

入山當以寶日及義日專日者大吉若制日伐日必凶靈寶經奇門

書云假如甲子日水生甲木下生上也為義乙丑日乙木剋丑土上剋下也為制戊辰日上下無犯為專庚午日午火剋庚金下剋上也為伐丁丑日丁火生丑土上生下也為寶晉時拜官封爵用寶日上任用義日 五雜俎

立春

立春日邑首甲糧長二人夜半于縣治前畫地植草如耕種狀值入畜即止以下歲多驗萬曆中常失期悞春田官呵之答曰諺有之不種田時吃白米歲果稔

成化元年崇禎元年並元旦立春華亭陳繼儒眉公楹帖歲朝春百

年難過聖天子萬壽無疆

立春日望三素雲見脩真八道秘言

上巳

三月巳日始為上巳非三之日也

黃梅雨

周處風土記夏至前雨名黃梅雨杜工部梅雨詩南京犀浦道四月
驟黃梅湛、長江去冥、細雨來茅茨踈易濕雲霧密難開竟日蛟
龍喜盤渦與岼迴按玄宗幸蜀置成都府尹號為南京讀其詩梅天
與江浙不異也今俗作徽字

競渡

黃州俗五月十八日有龍舟之戲設屈原像及祗候俱運機捩服飾
極麗金簪玉導費常三二百緡土人舁舟送之江中順流至其灣土
人先泊舟掠以為常

火節

雲南六月二十五日入夜家、束松明為庭燎雜以草花萬丈餘燃
之殺牲祭祖老少圍坐火下飲酒達旦自官署都邑以及鄉村田野
無不皆然謂之火把節又謂星回節相傳漢夷首阿南夫為人所殺
誓不從賊以是日赴火死國人哀之因為此會一云孔明是日擒孟

獲侵夜入城父老懽呼設庭燎迎之漢程或云弔忠臣王禕非也

中秋十六日

四明中秋宴飲以十六日初宋相史彌遠官臨安還家度節阻風至是夕始到遂沿為俗

九日

御袍重陽所製服為菊采

大小清明

福建新樂歸化人以三月為小清明八月為大清明展墓者間以小廢毋敢大廢

朔望行香

洪武十七年勅每月朔望祭酒以下行釋菜禮郡邑長以下詣學行香按朔望行香之禮古未有也北齊每月朔祭酒博士諸生展拜階下郡縣朔朝是時未熟今所謂香也然朔日行禮則始于此其後遂以朔望行香朱子曰謁先聖焚香不是古禮捨香不當叩頭只直上捨香即出笏叩首而拜由是言之則宋亦然矣但儀節與今不同今則行拜禮東陽王嘉忠海澄縣志

天門

鄒洗馬德溥疾篤幼孫方六七歲同二三女童見天門開空中有大

白鶴背跨冠緋秉笏者兩翼金甲神扶持弓刀鶴飛欲下又旋轉再
四須臾入室不見僅白雲從庭左角自地及檐而去不旬日鄒逝
姑蘇沈文字雖優人而事母至孝常語予曰萬曆癸丑七月三日露
坐中夜俄天門開流光晃耀朱几上蹲爐歷，在目亟呼母出視母
命拜良久而隱
戊子九月二十五夜漏且盡天門開有火龍自東向西北又一龍相
接尾落教小星

月

崇禎己巳十一月

日邑人落塘周氏出墓夜分月中界畫如十

字人皆見之

庚午七月六日有小星入月良久乃出自東而西去月二尺許竟不
動

風

崇禎辛未六月庚戌臨穎有大風林氏杜氏等家產俱飄半空銅鐵
器碎盡薨器獨全

庚辰七月天津巡撫李繼貞閱武帥旗不風而動明年三月亦然且
作笙歌聲見即報 石尤風李義山詩來風貯石郵

二雨辨

無錫邵文莊寶二雨辨云雲興于山勃然滿盈既蘊而降以兩者山
雲也謂之山雨雲興于海倏然瀰漫既翕而潤以兩者海雲也謂之
潮雨海雲之雨乘風以行雷鳴則止山雲之雨挾雷以動風吹則散
此其大凡也海雨夏少而秋多山雨夏多而秋少亦各宜之易是為
變而無雷矣三台王子春云 雨師屏翳風師蜚廉雷師豐隆

崔錫

餘杭徐司理茂吳桂卒之歲甘露降于後園新安吳山人德符克曰
恐是崔錫果應其兆

雷

嘉興吳太宰鵬家內樓雷震後凡金玉銅瓦之器俱一細孔如粟海
寧轉塘徐氏有婢抱主人兒被震死雖兒無恙後若干年亦殤姑蘇
人某雷蕪其袴外衣毫不損也雷神亦善戲矣

萬曆戊辰六月二十日福建平和縣東廂外陳孫家有兒在輿中雷
震其輿而碎兒仆地活

天啟乙丑廣州濠弦里方氏婦張孀居元夕觀燈俄黑犬隨歸二月
夜忽電光燭一室婦携孩兒坐榻犬若惧甚依人時見教人若十四
五歲童子無髮者環榻二三尺欲前踰時忽捕犬去之

順治辛卯四月九日蘇州張某雷焚其廩米如粉時米貴某索高價

也

江南二十八景

華亭顧東江先生清云江南二十八景梨花滿放梅萼盛敷茶笋初肥桃柳相媚枇杷摘金楊梅獻紫牡丹鬥色芍藥繁粧海棠曉睡蔷薇畫青芰荷新發菱芡初嘗蓴鱸正美秫酒始釀稻花成雲麥風如浪鮪魚薦鮮紫蟹滿膏橙黃橘綠蒲長葦茂菊圃千名杏園一色松花成餅桂子為漿蘭蕙列庭水仙置席鶯啼春樹鷺映秋波陸平泉曰尚有一景菜花如縹稻米似玉

馮元成集

日本小曆

弘光初有攜日本小曆一紙來者竝夷字首題寬永二十一年及大將軍等字彼遐裔何嘗奉正朔也

男產

嘉靖乙酉橫涇農人孔方產兒

侯甸西樵野記

萬曆丁巳正月二十八日奉化縣後陽卽男子張一產兒竝活亡恙張妻舒氏未姪同盧某負販或曰兒之孕盧為之也

徐見可啜墨亭集

又大同中翰馬呈德婦萬曆癸卯孕庚戌免身凡姪六年子三歲能誦詩書見謝肇浙五雜俎

人疴

崇禎庚辰吾友王介人翊至徐州豆作人面如面至于盈畝携歸見之又太行山桑柳並生人三四寸裸而黑揭燈口上噴、有穀

雞腹小兒

嘉靖二十二年太倉州塗松鎮沈氏殺一雄雞剖腹得小兒五形皆

具太倉州志

飛蓆

嘉靖三十四年會稽有物方長如尺牘飛空中映日作金色數鷹繞逐之有囚劉朝忠祝曰果祥也則墮漸近果墮則縣令古文炳草蓆也官命禳之會稽縣志

大明門黑氣

崇禎辛巳夏卜者周午暘語

賀中冷世壽曰黑氣蒙大明門久

矣非休徵也及十月遵化失陷烽火偏于都門

鳳陽鼓樓

壬午鳳陽鼓樓忽攝去成平地太守往驗坐良久俄晦冥穀如風霆樓復故鄞縣錢光繡記

集異

丁亥八月晦是夕天上噫、有穀如潮十餘刻乃息又是月七日午刻日旁見一星明日亦如之

十月松江黃浦鱧魚大上至妨楫

嘉善東門民家雞翼生水各色多有之江陰獲雉足如鴨

戊子冬至前三日薄暮鳳凰自海鹽過海寧向西北而去萬鳥從之約二十里斜橋趙氏蒼頭見之

庚寅四月六日有斷龍墮蘇州澣野闕見即報

九月十七日錢塘北高峰崩明日靈隱寺鑿土得僧墓

十月朔午刻日食既望日嘉興東門外雨絮友人金蘭孫龍友舟行親值之夜月食

二十四日夜黑虹竟天起西南指東北若開闔者三

辛卯五月二十三日大雨海鹽東門外漂一樹亘數十丈七月寧波府有異獸兩角驢面馬鬣豕蹄尾短僅三寸如鹿色黃自祖閔墮于老龍灣躍听郡人驚逐越城而奔至湖西民家復逐之遂出西門走二十里獲于高橋送郡守轉至海道王爾祿觀者如堵皆莫知其名或云山羊以糞似之教日死人啖其肉味類鹿是日定海城獲一鹿亦以進八月大星隕于海

棗林雜俎

名勝

石經山石經

順天府山縣西南五十里石經山峰巒秀拔故曰小西天隋大業間僧靜琬悞本教有難不能流通發願募工鑿石刊造一大藏經積于此山以備其後至唐貞觀初僅成大涅槃一部法師卒其後人遞刊造餘部歷遼金始完一大藏貯于岩洞者七地穴者二洞鏡以石門穴鎮以浮圖自來兵燹不之及一統志

鹽官談遷孺木著

破石山

澤州城南三十五里破石山高數丈頂平若砥縱橫十餘步相傳慧遠隱此著涅槃經成擲其筆曰若疏義契理筆當住空已而果然因名擲筆臺

金窰山朱書

豐潤金窰山極險峻山腹石壁間宛如門扁而不可開上有朱書數行可辨識者惟縱有黃金人不見七字其書雖極力磨洗不減人以為金鑛所在

豐潤縣志

卽山

漢地理志卽山在東城下金地理志云卽卽有卽山鎮卽今城東代召鎮是也又水經云牛首水出堵山東經卽卽阜卽張晏所謂卽山在東城下者以今觀之東城之下不惟無水且無山矣然則三說何以云爾也常味水經之言謂卽卽阜卽為卽山此說深為有理蓋土高曰阜不必其巍然峩然而古人皆謂之山也夫求一阜于千百年之下能保其不為平地哉况山夷則水竭而卽山之下卽有卽水亦漸乎其漸涸也余觀浮鄉縣有所謂浮丘山者今亦漸平為地大抵皆卽山之類耳

卽卽縣志

二卽山

遼東錦州城北三十里二郎山破石多如彈丸可入砲而輕督師孫承宗戲曰二郎神好用彈想其餘物

二郎神為清源妙道真君即嘉州守趙煜斬蛟者也未詳何代何封稱為二郎

倚陽山

林縣倚陽山桃花洞北齊高歡冬月被兵圍于此期以堯花開兵解已而桃花果開圍遂解後洞口桃花冬月盛開今不存

林縣志

水神山

山西孟縣東北十里相傳昔周世宗女秉性貞烈不欲適人潛于是

山樹下涕泣渴而思水扣地得泉自縊于樹鄉人因立廟祀曰水神山

火山

太原河曲縣西五里古稱火山軍山上有孔以草投孔中烟焰上發可熟食不生草

呂梁山

永寧州東北百里呂梁山俗名穀積山與交城接界呂不韋曰龍門未闢呂梁山未鑿河出孟門之上

石鏡山

寧國縣石鏡山有石如鏡足以鑑物黃巢寇宣歙過此照見其狀如
獼猴大怒積薪燔之石遂無光久乃漸復寧國府志按石鏡山不一吳地
記臨安縣東五里石鏡山有石鏡徑二尺四寸甚清其見人形狀

陰陵山

陰陵山今全椒縣東南二十五里九鬮山云楚兵敗欲東渡烏江經
此與漢兵一日九鬮其山石尚有礪劍迹有迷溝為田父紹處今三
汜河有霸王廟所產艾草皆低頭為羽晒甲壘之云全椒縣志

齊雲山善惡

休寧縣齊雲岩嘉靖中改稱山立玄天太素宮曰善山惡山善山為

君惡山為夫人分祭則灾合祭則福

天台山仙女

天台二仙女宋景祐中 明熈採藥見金橋跨水光華炫目有二女
戲于水上殆水仙洞府也

天台縣西七十里明岩、西有泉蔽岷而下渙若垂箔寺僧亦用竹
縋引之從高下墜名曰冰索

天台縣桃源千山萬山人烟斷絕其中古桃樹年深化為精魅常迷
人宋王介甫夜坐梅月照軒窓讀易忽有一姝容顏姝麗見介甫自
言知易遂相與談論畫卦妙理寔能發人所未發介甫喜甚問得報

司馬君實來訪介甫出迎至軒中彼姝即隱身不出及司馬出彼姝復來介甫怪而問之對云妾乃此木花月之妖君實正人妾不敢相見介甫然

仙居山蝌蚪篆

仙居山縣西四十五里險絕難升上有石壁刻蝌蚪篆文晉義熙中周廷尉領郡造飛梯以蠟模之莫識其義後守阮錄携衆往觀雲雨累日不見仙居縣志

雲黃山

義烏縣南二十里雲黃山傅大士餒虎餘飯化為石青白而紫有陶

氏居山下常資給大士遂祝之曰它日以飯石琢教珠贍汝胷裔自茲授記惟此一氏家能之女已嫁則不能他人做做石即穿裂義烏縣志傅翕義烏嵇亭里人因取魚食蒿頭陀曰試自照水乃見員光寶蓋即悟前因具開道場頭陀指山下雙禱樹曰此可以結菴苦行七年忽三佛來自東方有金色自天而下集于其身從是身嘗出異香聞空中教偈梁武帝召赴一次入重雲殿不拜徑登寶榻與帝問答詔還山號善慧大士

玉華山

蘭溪玉華山庚寅七月忽裂二三里成潭又距十餘里曰橋下湖有

巨魚如舟土人毒以巴豆不得

伏龍山

襄陽城西三十里伏龍山諸葛氏草廬也今有祠西八角皆井頗宏敞明襄簡王墓處竟之嗣人謂武侯之英爽可畏又南陽距城八里云八里岡亦云隆中岡勢蜿蜒如帶高僅數丈亦有祠嘉定徐宗伯學謨俱游之謂襄陽可據死人不能攘而有之蘇子瞻詩誰謂襄陽野生此萬乘師蓋指伏龍山云見宗伯集中

玉泉山

荆門州玉泉山有閔侯祠下方二十步皆黑土相傳侯常住兵作

書遺其子平書罷以研汁擲地故至今土為之緇其青龍刀監石罅中以手摩之輒動然後千夫之力不能舉也

孔子山

青州東百里有孔子山相傳孔子適楚常登此山上有坐石草木不侵有研石每雨輒有墨水流

又澤州南四十五里天井關石上孔子將入晉聞趙簡子殺竇鳴犢至此迴車轍跡尚存深尺許長百餘步後人因立廟道左

太山

沁水張大理五典度太山自山下至巔五千三百八十四步五尺為

步紆折皆在其中高三百八十六丈九尺一寸寬十四里零八十餘步漢官儀云太山自下至古封禪處凡四十里皆妄也有太山道里記近馮生過太山云不甚高廣不知何以得名如此太山上秦始皇立無字碑或曰碑函或曰鎮石或曰表望或曰待刻閩人謝在杭肇浙親至其地云元君祠當公署中尚有斷碑二十九年疑即所剖石也其豎片石為祠記表望明矣五雜俎太山捨身崖在日觀峰下愚民往捨身投崖邀冥福尚書何起鳴設垣墻示禁勒曰愛身臺

成山

文登縣南百二十里成山秦始皇造石橋渡海觀日神人驅石鞭之見血至今山石皆赤予謂山石色赤者多若天台赤城黃州赤壁亦豈有神驅而鞭之手其造橋事容有之然亦不至望洋也五雜俎按成山東召石山神人鞭石處見三齊略

青山

曹縣青山諸生郝元常治園見瓦棺文許長高五尺朽蝕風滅瓦刻字莫辨儀從夾侍大僅尺朱砂斑剥意春秋曹元公遺墓郝元于南京為予言

東浮山

山西平定州東浮山距城五十里即女皇氏補天處其煉石竈尚存石炭勝他產諸色石俱可燒明學士陸文裕深過其地得遺跡問土人及學士大夫皆曰古蹟寔然歲上元夜家置一鑪當戶高五六尺許寔以雜石附以石炭夜煉之達旦燭光上燭天為之赤至于今不廢是謂補天文裕語太宰喬莊靖宇曰女皇察物宜前民用故制此以通昏黑之變補烹飪之宜蓋曰補天之所不及耳

儼然集

崖山

太原縣東有崕山天旱土人燒此土以求雨俗傳崕山神娶河伯女故河伯見火必救之降雨今山上多生水草

羅浮山

羅浮二山相合屬博羅縣取道增城則近其上多奇植異卉有松尺許匣置數年植之復生有竹葉符每竹止二符乃篆書仁字色白洗之不脫五色鳥時集人肩上有虎不噬人有王野人園寔森茂春冬亡間游人任摘持歸即迷道而園原無定在也又有仙樂風月靜夜每聞之道士擬製今冲虛觀所奏頗得其教

李潔

銅鼓山

貴州威清衛西四十五里銅鼓山諸葛亮南征于此獲銅鼓故云土人云山有洞藏武侯盔甲先代有可入處今石門榛蕪無人或臨之

蛇蜂交集不可入每值陰雨聞者如銅鼓鏗然有聲貴州通志

金陵岡

金陵岡在應天府龍灣相傳秦始皇埋金人于此碣曰不在山前不在山後不在山南不在山北有人獲得富了一國殆以此地氣盛誘人鑿之耳其愚黔首若此而亡秦者泗上亭長乎予嗟夫祖龍之愚

應天府志

飛來峰

錢塘靈隱山之飛來峰元僧楊連真伽徧鑿佛像明嘉靖太守

福清陳仕賢以楊及却僧聞僧三石像斷其首瘞獄中獄後寔悞毀

佛像也近來有續其首以佛故亦多事矣陳仕賢嘉靖壬辰進士

回鴈峰

衡山回鴈峰相傳鴈不度衡陽然衡陽之南亦有鴈但過此則漸稀

耳或曰峰勢如鴈翼之回衡州府志

六真洞

山陽縣六真洞元真人丘處機劉處玄譚處端王處一却大通馬鈺

燕子洞

貴州平越府有燕子洞紫燕千百為群潛藏于此冬不北鄉洞口二丈其土疏而粘黑而肥土人用之糞田進洞口二里持炬至大洞源

泉混、穀如鳴金，有時響，穀如擊楫，時有黑衣人乘霧出入，豈燕之聚精耶？黔紀

燕子岩

林縣燕子岩在炭場北，秋冬燕子蛰其中。彰德府志

七盤坡

藍田縣東南有七盤坡，古武關之地。

鷺公坡

番禺鷺公坡，每風月夜集，遠聽如鷺，穀就近則無有。練要堂集

櫃兒崖

四川桐梓縣七暈溪之櫃兒崖，門有櫃，相傳其中器物皆具，昔人常借用之，後有失其甕甌者，遂路隔不能達，萬曆間劉綎引砲破其一角，次日復完，蝶菴存稿。

石硤

渾源縣南磁窰口石硤，上有張君祥刻仇扇風葫蘆人過之，雖暑熱即有風生。

四道三谷

何景明雍大記：予從入蜀漢道，觀之其西南曰褒谷，從褒入南曰駱谷，從洋入東南曰斜谷，從郿入其所從，皆如舊志謂首尾一谷，非是。

其棧道有四從成和階文出者為沓中陰平道鄧艾伐蜀由之從兩當出者為故道漢高帝攻陳倉由之從褒鳳出者為今連雲棧漢王之南鄭由之從城固洋縣出者為斜駱道武侯屯渭上由之此四道三谷關南之險阨攻取所從來固矣

長平坂

磁州城南三里長平坂廣袤八十里白起詐坑趙人于此

大庾嶺

南安府城西南二十五里大庾嶺磅礴高聳南接南雍唐張九齡開鑿新路兩壁峭立中路坦夷一曰梅嶺以漢將梅鋗得名鋗從吳芮

定百粵有功封臺侯臺嶺即梅嶺也後因鎬將庾勝兄弟居守又名大庾嶺，下舊有驛宋郡守趙孟造書扁有女子題壁曰妾幼侍父任英州司馬及歸聞大庾有梅嶺而乃無梅遂植三十本于道因題詩云英江今日掌刑回上得梅山不見梅輟俸買得三十本清香留與雪中開宋監官張九成明 張孟奇俱補植數百本

仙人籬

貴州城北八十里高崖之上相傳昔有黃冠結屋其上今籬尚存歷歲不窮

天花里

正統元年五月六日午刻鄞縣隱士虞德全家天花如雨飛滿庭中其形若米色若玉積深尺許七日始化郡守鄭珞名其鄉為天花里

永義鄉

嘉靖壬子廣東峒寇作亂平之設廣寧縣有民馮世瑞納款立永義鄉居之

仁義鄉

繁昌縣唐南陵地開元中于南陵仁義鄉置石碌場因其地產百姓輸納

捲簾莊

諸城縣北四十五里捲簾莊在漢王山西南地周五六里雖深秋嚴冬亦不見霜諺云捲簾莊秋冬不下霜

謊糧墩

全椒縣西南五十里謊糧墩在蘆坡澗東舊傳吳伐楚糧盡伍子胥以上為墩覆米其上故名今觀其形碁布星列約五十餘所亦奇觀也全椒縣志

鯨隄

鯨隄在清河縣西南三十里延袤千里自順德廣宗界東相傳鯨治水時築也清河縣志

博浪沙

博浪沙據史在陽武縣東南三里今在東門內開封城北亦曰博浪沙陽武縣志

紅土

宣府蔚州衛城東南三十里太白山多奇山其紅土為印色傳為周穆王乘八駿遊此馬斃其血化為紅土蔚州志

又貴溪縣龍虎山有五色土張真人以書符篆

河南新鄭縣東北近于衛河有紅土岡其地有雨水如血俗傳紂血流漂杵于此

山都

汀州郡治初造大樹千餘其樹皆山都所居有三種下曰猪都中曰人都其高者為鳥都如人形而卑小男婦自為配耦猪都皆身如猪鳥都人首能言聞其教不見其形人都或時見形當伐木時有術者周元大能禹步為厲術以左右赤索圍木而砍之樹仆剖其中三都皆不能化執而煮之牛鑊內閩書

鐵城

蔚州府洪武七年立甲于諸邊號曰鐵城周七里十三步高三丈五尺堞六尺址濶四丈堞口七百十有八門樓三各五間角樓四各三

間俱高三層靖難時砲擊其一又回祿災其二後不復補昭臣節儉
天變也蔚州志

碗子城

澤州南九十里太行山絕頂今屬懷慶府河內縣群山迴環兩崖相
夾中立小城隱若鉢甕經行者須扶策徒行即宋太祖肩石之處正
統間寧山衛指揮胡剗鑿石平險以免推車之患

沁雪石

趙子昂鷗波亭前有石二曰沁雪曰垂雲垂雲流落雲間已不可攷
沁雪石在常熟縣署中有鐫字或曰沁雪子昂妾也錢侍御岱乘邑

侯女疾瘵巫言石為祟出之得歸錢氏在徐上舍處嘉興東門內范
氏舞蛟石亦子昂鐫題今在金氏

憂懼石

永樂初尚書夏原吉治水江南立石嘉善西塘鎮福源宮前限水
止限下則懼過此則憂

中丞石

福建長樂縣十都有中丞石昔有為中丞者未遇時過此誓曰不為
中丞不過此石後果然故名閩書云長樂縣二十一都石上刊中丞
二字唐潘獨坐南歸憇此里人鏤之

棗陽石

棗陽縣石有青紅白黃其白者拱北向如遇朝廷採用先期鶴鶴畢集居民知必有土工 襄陽府志

掇刀石

當陽縣關羽祠有掇刀石傳武安屯軍祠下土方二十里黑如墨漬

望夫石

望夫石人稔知之肇慶府四會縣西二百里有新婦石夫為商不歸久望遂化石宋林小山詩瘦骨凌層立海濤綠苔曾是嫁時衣江郎去作三衢客目斷天涯竟不歸

天涯海角石

成都有天涯海角二石天涯石在中興寺故老傳云人坐其上則脚腫不能行至今人不敢踐履海角石在羅城內西北隅角高三尺以有廟今不存

雙魚石

涪州江心積石入水千餘丈夏漲不復見冬春如梁可游深處鑿有雙魚見則年豐唐宋元題名甚衆 四川通志

文石

雲南點蒼山北麓石白質黑章賦若截肪琢為屏障其最佳者蒼素

分明山川遠近雲林曉暎若天生圖画不脛而走四方好事者爭購之相傳李衛公平泉莊醒酒石即此也 滇程記

僧化石

南甸州東十里昔有僧自大理至此坐化為石後兵燬止存其首土人祀之

鳳凰石

萬曆癸巳詔採雲南鳳凰石百餘有花草鸞鶴形者然僅三四尺而止

閩索石

貴州永寧衛南二十里道旁閩索石云閩索南征惡此石截道以戈椎擊之石破為二一留道旁一飛墮道旁因名落石今刀痕依然

清涼石

五臺山清涼石方九步相傳可容千萬人

松化石

博物志松本石氣石裂而受沙即產松、三千年更化為石

太和伯陳萬言家有木假山乃先祖所得以其狀奇巧置于庭一旦化而為石文理猶木形未幾長女被選母天下求名公作記詩覽陸采

石箭

福建同安縣石箭長二丈五尺周四尺七寸見存又文王射于豈有石箭在同官縣文王山長二丈五尺圍四尺七寸見存

石木魚

南昌雙嶺下石木魚長二丈餘鑿六十八孔鑄古彌勒物名

石樹

雲南普定進山四十里有玲瓏石樹一為桃綠幹紅枝一為李青幹
白花

石鏡

輝縣西北七十里侯趙川之中湖寺有石鏡半規能照山河人物之形俗稱透靈碑今昏闇云昔有上官欲昇歸至盤山頂忽闇乃復送至寺

石田

貴州城南二十五里相傳有隱士習黃白冲舉之事甚篤忽有道士從假牛耕石田種玉隱士與之方耕治隱士妻來索牛道士怒遂舍之至今石上耕治之迹宛然俗名鬼打耙

水晶營

盱眙縣東南十里外延亘百餘里以接山陽相傳隋煬帝陸地行舟

之道今皆軍民雜處農莊于其間遠而望之霧靄霏翕水光滉漾如
瀚海停波而蓬嶼星列儼若帆幟往來飄泊每晨濫露其景愈鮮陰
雨迷茫尤多變幻所輿皆知其名 盱眙縣志

地鏡水影

濟南東七十五里東平陵城西北有陰地數畝天色澄霽亦若雲陰
迫視則無 齊乘

鹵城影

繁峙縣東一百里故福都周圍三里百有十步東南西三門其地多
鹵故名鹵城俗傳朝霽雲霧中呈現樓堞門內似有人焉現則多雨

豐年之兆人在西則見在東不見遠分明近則隱其東有齊城其隱
見亦同今不復見蓋見則凶也

田目

區田

圃田種蔬果

園田築土作園以繞田者

架田架猶筏也亦名封田

櫃田築土護田似園而小

梯田謂梯山以田

塗田低水處潮水沙泥

沙田南方江淮間沙淤之田

雄田交趾謂腴土田雄田

表田公用田樣田寧夏新志載食貨有表田十頃供總府進表之用

公用田五頃供軍官藥餌各衙紙燭樣田四頃供祭文廟之用餘衛

同

響地

寰宇記云萊水出襄國西北石井岡傍有響地圍百步人馬上行轟

轟有穀掘之有火出今無穀 邢臺縣志

里牛

廣西府人謂里為牛地凡四十八牛 五經堂集

苧蘿村

華亭馮元成行可游石湖至紫薇村遇一野老年八十餘言此苧蘿村也西施生于此後有富人居此村曰何必尚循亡國女稱乎改為紫薇其家盛植紫薇耳石湖北有溪古名若耶溪吳亡後改越來溪世以浙東溪村名同此地因以西施為越所獻其寔吳產也元城後問劉子威鳳子威曰然常見楊君謙奚囊手鏡載其事

佛蹟

山西繁峙之五臺山清涼石浙東定海之落陀山盤陀石形模俱不
甚廣登陟雖衆了無碍處任受人必不登牛馬跡

城郭氣

臨洛趙簡子墓上氣成樓臺

思縣白馬營在縣西十五里相傳為唐時故鎮二三里外夏秋間晨
望如城郭晡映林木蒼鬱日出即不見歲約數次
汶上縣西南周三十里每秋水泛溢一望無際遙視村落在烟波杳
靄中又常有城樓人馬之狀出于水上謂之水市闕亭在南旺湖中
水際時見烟雲樓臺之狀

靈璧縣沫溝湖天色晦暝之際隱有城郭狀
霍丘縣大業陂天晴日霽陂中或見城郭之影
東阿縣桃城舖旁一丘高可數畝每陰雨後烟霧中隱有市井
車馬之形

嘉靖二十年景州城東八里舖平原曠闊每晨日出之時望見城郭
巍然樓櫓俱備日高而沒不知何祥古書云廣野之氣成城郭江湖
之氣成樓臺或者此與

景州志

弘光元年正月十一日午刻河南滎澤縣東南三十里郭村忽現大
城雉堞樓櫓畢具南北人共見而駭之總督張縉彥以聞謂天官書

廣漠之氣成城郭今河南茫無人影誠廣漠之氣也 卽報

鉅鹿縣北十里許古鉅鹿之故址也今廢相傳侵晨霧露時城之規模隱、可見良久乃滅

海市

海市見于登萊然不獨登萊也凡濱海皆如之人不經值故無得而稱焉海鹽周翁家澗浦西門外常曰萬曆中于葫蘆山觀劇忽海上現城郭樓臺女牆內行人如織或負或戴或荷蓋可二十刻頽其一隅餘漸淪沒

浙江觀察中牟張天機常行部海鹽登城樓望見海中有浮圖高三十仞白雲滿、從之初謂絕島所未有之奇也已而石塘闌沸人皆走且呼曰海市矣海市矣未幾赤壁矗起甃城剝落若堵墻少間色變白危樓數十間涌出其際窓櫺玲瓏金碧如畫忽蒼烟飛來複閣盡沒而修竹萬叢松柏槎枒層城睥睨橫亘異狀烟盡樓脊盡出頓還舊觀乃有長橋出于水上隱、歷、車馬無聲樓舡旗幟似有人隊介而立其餘若鼎若鑑者幡蓋者盤盃杯槍者目之所接手之所指蓋不可勝數而又倏忽盡矣為吳太史梅邨述之見太史記中嘉靖四年四月廿三日福寧州海中浮來五山自筆架山外而至峰巒突兀上有艸木人馬往來貿易圍城聚觀自午踰申乃沒蓋海市

也

劉炳文海舟紀程

萬曆乙未浙帥劉炳文提舟師從海道趨登州備倭四閱月始至紀
云乙未上元從台州開帆百里至金鰲山高宗南渡避金處也歷老
鼠嶼出琛門風遼猛烈兩礁夾起東西磯牛頭聖堂兩地尤為險阻
而五嶼羊嶼昏山黃珠茶藍兩山皆四面巉剝搃莫繫泊飄逐空洋
夜半颶發舩各渙散詰旦于靈門山聚合出金齒門因潮浮至箸竿
山復依南田舉夜觸韭山舩多破損收回五爪山修舩至點燈礁犯
及亂礁洋為藏龍菽修爾驚觸震蕩翻激水赤天昏龍鬚捲水至半
空而倒瀉船皆碎毀幾為魚鼈出白馬礁過大漠坑依險而泊由浪
槽頭轉歷升羅嶼得登普陀山傍倚金鉢孟儼然峙焉出此渡橫水
洋入五爪湖移住廟子湖隨風逐浪直蹴陳錢山其下有太毒信宿
而往面顏盡變且多患瘡疾及下八山浪崗馬蹟李塔舉舉皆砂石
亂列其水有綠有黑有辛有苦有淡有臭有清徹見底鰕魚可教有
淺灘如湖蛟龍鱗角顯著俄為颶風打出窮洋直抵倭國五島山轉
經魚山假泊沙侯風息駐灘山過鼠狼湖及上川下川鷹巢頭諸山
再入西洋舉則謂之落滌舩凡搬入十無一回乃乘颶西逐羊山上
有聖姑礁盤礴巍峩宛如裝砌許山聯脉金山衛其柘林乍浦激浦

延袤千餘里又皆控扼三吳者也復順流而東七丫諸港岐分錯雜
窒礙莫前崇明孤懸海外而大陰新安諸沙生聚甚夥福山直對三
引沙傍通楊子江與狼山相望若東州河七星港暨河山黃涇河不
下十餘口海潮灌浸直達維揚轉而西行有三槿大橫深沂非予四
口張方大樓瀝水姜系掘巷五港一望無山其川山窪川魚窪三寨
窪狂瀾澎湃殊甚險剝水紋斑斕因號虎爛水僅得開山無舉可泊
至射陽湖之雲梯閣宿焉適及風解纜自辰至申濇、頽波極目無
際漏下三鼓得抵鶯山之灣問其程則餘五百里越明日朔風舉帆
踴躍碧虛蹠蹠于黃混水號曰望吳洋依憑延真島此皆從來人跡

不到之鄉但見靈鯨老龜三五噴沫相逐大者方丈高厚六尺殼背
亂纓長目虎口就磯舒伏迤邐于白山高公諸島登竹島之巔四顧
寥廓惟東海所城甚逼其夜三面受風避入杜林山因陟雲臺山古
三元修道上昇處也翼日西北作雲東南吼風巨浪掀翻桅檣斷折
凡三日夜不知疾行幾千里膠瀟沔呷風雖少平餘波猶湧東方既
白迸崖滴水之灣隸山東境上矣去安東衛僅百里須臾潮至開行
二三日海天一色竝無舉嶼可以停舟野宿洋飄如浮萍無定泊哉
堂山至柘溝塔埠杜家港諸洋越日入膠港補繕壞舡過東島依田
橫島夜泊福山島而山若有神上無艸木中無穴洞悲鳴有教翌日

至草島嘴去大嵩三五十里風濕瀾漫海面愈賒僅有巨高島棘簪
島靈井山依傍海陽所具咫尺莫能躋焉夜將半犁入魚網上探水
不過十餘丈乃莫耶島也與遼東連界海運所經故道至聿青島明
光山不半潮已達塔島覓泉取水相望佛山濤沫湫灑宛如一掛珠
簾頃刻抵渚里去查山僅幾里上有古跡路甚崎嶇附葛攀藤一步
一蹶得造其絕頂焉其上復有南天門巉岬秀拔凌接雲際東隈一
洞幽雅修潔昔王陽真人煮煉于此騎白鶴飛昇有雲光宮在焉傍
多山茶名子心香馥襲人丹井碧泉崢嶸犄角天然雲房石室也登
舟行于馬大嘴見一巨魚橫于亂礁上長百餘丈其脊如山口濶無

鱗令刃其脊搃數百人僅開一肋肉不堪烹可熬油揀骨一節計千
餘斤而肉內小刺亦逾尋丈潮回日落攜刺數根而西遇颶風至寧
津所戍卒蕭條烟火不過百餘家西有岩石參差十數里乃西楊舍
人之墓每作崇覆雨翻雲秋則遠去掠人田禾春夏于此劫過
舡換舵放舟越三百里遥望大洋突起數丈如銀砌玉粧近如噴雪
飾粉俗呼為白蓬頭者也其山脉綿亘暗藏水底密通成山鬱律幾
百里皆雄崕劍鋒萬里海濤衝注會集秦始皇造石橋渡海觀日神
人駟石鞭之見血至今山石皆紅內有成山衛出此險道淺宵行
至威清衛所開泊劉公泊其島尚有居址似舊有遼人在焉不移時

入大空島，多浮石即頑鈍砥砭浮水不沉轉入寧海州外洋盤旋
落子窩之裡若清泉寨奇山所又其扞屏通過福山縣入龍山港至
栲棧島乃雲晴水止轉泊八角山則見斜曛凝耀磯嶼烟籠始若樓
臺錯列繼若城郭周圍俄而人馬縱橫又俄而旗幟映映出沒無定
變換不常或告曰此海市也傍有長山島有黑島上多巨蛇產金沙
少選抵蓬萊閣矣自浙遼齊計日四閱月計程七千里由浙江達直
隸延袤二千七百里自直隸金山衛抵東海所計一千七百里自東
海抵登萊計二千四百里

謝肇淛刪略

古赤壁

古赤壁嘉魚縣北六七十里赭石雄峙即周瑜破曹處樵豎時得遺
鏃沙礫間北岫烏林曹所戍守也懸岫鏡額蘓子瞻署之曰赤壁其
左就湮僅見與弟字嘉靖辛亥華亭莫忠登其上記曰長公于鏡
石稱與弟云者固常偕子由來表赤壁所在章矣而賦作于黃州要
以即事寓言不害為情之所托俟好古者之自定也

物產

五方之產名山多金玉嶺表多璣翠玳瑁豫章多漆荆南多丹銀齒
草青齊多魚鹽

金升宋時州郡金冶十一

銀卅宋時產銀之監三冶場天下八十四
銅山四百六十七宋銅場三十五
鐵山三千六百六十宋鐵務二十
宋錫場三十六

